

# *Sa Bidda mia*

*Nasciu seu in Sinnia  
Luxentis logh'e poestu  
Tui ses bidda dinnia  
De tempus as fattu testu.*

*Sentinell'e Campidanu  
De atesu tui spricas,  
logu de acua sanu  
cun fontana, mitzas e picas*

*Veras, cerbus e sirbonis  
Pascint impar'in foresta,  
cun cantidus de pillonis  
pareus sempri in festa.*

*De montis ingiriada  
A manca bis sa marina,  
in pranu manixada  
de loris binjas ses reina.*

*Is olías in s'artura  
Mindulas cun fruta bona,  
Arrius, birdi natura  
Ti faint de corona*

*Cun barraca cun su fumu  
Ti pigu sanus savoris,  
de su casu su profumu  
si cuntentant is pastoris.*

*Civraxu e pan''e trigu  
Is drucis bonus de gustu,  
in s'airi frisca pigu  
su fragu bell'e su mustu.*

*S'artesanìa presenti  
Cun traballu e sudori,  
connota in continenti  
pretziosa po su valori*

*Tui terra de cultura  
Cun Predis e Dotoris  
Grand'arrespetu e cura  
A tot'is traballadoris.*

*No mancanti s sonadoris  
Che a sa moda 'e prima  
Ses culla de cantadoris  
E da sa poesia in rima*

*Log'arricu de folk lori  
Cu s'orbaci e brocau  
Su nomini cun onori  
In su mundu t'apu portau*

*T'anti sepri nomenau  
Bidda sana ospitali  
De strex''e fenu pintau  
Tui ses sa capitali*